



Razvojni program Ujedinjenih nacija (UNDP) u Bosni i Hercegovini, Sektor za energiju i okoliš, te Ministarstvo prostornog uređenja, građenja i zaštite okoliša Kantona Sarajevo potpisali su Sporazum o saradnji na implementaciji Pilot projekta subvencioniranja zamjene peći/kotlova na ugalj i ostala čvrsta goriva certificiranim pećima/kotlovima i toplotnim pumpama u domaćinstvima u Kantonu Sarajevo. U skladu sa potpisanim Sporazumom, UNDP BiH objavljuje:

## **JAVNI POZIV**

### **VLASNICIMA INDIVIDUALNIH STAMBENIH OBJEKATA SA PODRUČJA KANTONA SARAJEVO ZA SUBVENCIONIRANJE ZAMJENE PEĆI/KOTLOVA NA UGALJ I OSTALA ČVRSTA GORIVA CERTIFICIRANIM PEĆIMA/KOTLOVIMA I TOPLOTNIM PUMPAMA (PILOT PROJEKT)**

#### **O Projektu**

Pilot projekt subvencioniranja zamjene peći/kotlova na ugalj i ostala čvrsta goriva certificiranim pećima/kotlovima i toplotnim pumpama u domaćinstvima u Kantonu Sarajevo, predstavlja univerzalno primjenjiv, transparentan, nediskriminatoran i socijalno osjetljiv okvir za promociju i podršku projektima smanjenja zagađenosti zraka u Kantonu Sarajevo, posebno u padinskim i prigradskim naseljima gdje su dominantni izvori zagađivanja kućna ložišta na čvrsta goriva. Smanjenje zagađivanja zraka iz individualnih ložišta postići će se subvencioniranjem zamjene peći i malih kotlova na čvrsta goriva (prioritetno onih koja koriste ugalj) koji se koriste za grijanje kuća, a koji su, u ogromnoj većini, neefikasni i imaju visoke emisije zagađujućih materija u zrak, posebno sumpor dioksida i čvrstih čestica. Ovim pilot projektom subvencionirat će se isključivo nabavka certificiranih peći i kotlova na pelet i toplotnih pumpi, kao i njihova ugradnja u skladu sa prethodno urađenim projektima zamjene za svaki izabrani objekat.

#### **Ciljevi ovog pilot projekta su:**

- poboljšanje kvalitete zraka,
- smanjenje potrošnje energenata za grijanje domaćinstava,
- smanjenje troškova za grijanje domaćinstava,
- promocija dobre prakse za grijanje domaćinstava i stvaranje preduslova za uspostavljanje održivog modela za podršku zamjene necertificiranih kotlova i peći (na čvrsta i ostala goriva),
- razvoj tržišta certificiranog peleta i
- razvoj tržišta certificiranih kotlova.

Pored navedenih ciljeva, implementacija pilot projekta će dovesti do povećanja privrednih aktivnosti u Kantonu Sarajevo.



Osnovni princip na kojem se bazira pilot projekt su zamjena neefikasnih, visokozagađujućih peći/kotlova certificiranim pećima/kotlovima koji koriste okolinski prihvatljivija goriva, kao i toplotnim pumpama u domaćinstvima, a koji potpuno zadovoljavaju aktuelne evropske standarde u pogledu efikasnosti i emisija zagađujućih materija.

### **Korisnici i uslovi Javnog poziva**

Pravo učešća na Javnom pozivu imaju vlasnici individualnih stambenih objekata na području Kantona Sarajevo, koji za grijanje koriste kotlove i peći na čvrsta goriva (ugalj i ogrjevno drvo). U slučaju da se objekat koristi i za poslovnu namjenu, udio stambene površine mora biti najmanje 51% u ukupnoj korisnoj površini objekta da bi objekat bio kvalifikovan za subvenciju u okviru ovog pilot projekta.

Projektom je predviđena zamjena postojećih kotlova i peći u individualnim stambenim jedinicama koje su upisane u zemljišne knjige (dokaz ZK izvadak). Objekti moraju imati namjenu stalnog stanovanja, što znači da objekti kao što su vikend objekti nisu obuhvaćeni ovim projektom. Također, objekti na kojima su izvedeni nelegalni radovi (dogradnja, nadziđivanje i sl.) nisu kvalifikovani za subvencioniranje zamjene peći/kotlova.

Postojeće peći ili kotlovi kod korisnika subvencije će biti preuzeti od strane firme izvođača radova. Korisnik nema pravo na naknadu za preuzeti kotao ili peć.

### **Iznos subvencije za zamjenu peći/kotlova na čvrsta goriva**

- Prelazak na korištenje peći/kotlova na pelet će se subvencionirati iznosom do 70% od iznosa ukupnih troškova ili maksimalnim iznosom do 5.000,00 KM po korisniku.
- Prelazak na grijanje pomoću toplotnih pumpi će se subvencionirati iznosom do 40% od iznosa ukupnih troškova ili maksimalnim iznosom do 7.000,00 KM po korisniku.

Navedeni procenti/iznosi subvencioniranja se odnose na ukupne troškove koji uključuju:

- izradu projektne dokumentacije zamjene peći/kotlova na čvrsto gorivo od strane ovlaštene projektantske firme (UNDP će putem javnog poziva formirati listu projektantskih firmi, a vlasnici objekata će sa jednom od tih firmi dogovoriti izradu projektne dokumentacije)
- nabavku certificirane peći/kotla ili toplotne pumpe od ovlaštenih proizvođača/distributera (UNDP će formirati listu kotlova/peći i toplotnih pumpi koje zadovoljavaju standarde EU)
- instalaciju certificirane peći/kotla ili toplotne pumpe od strane izvođača radova kojeg će UNDP izabrati putem javnog poziva
- puštanje u rad certificirane peći/kotla ili toplotne pumpe od strane ovlaštenog servisa
- stručni nadzor nad kompletnim radovima i prijem radova.



### Potrebna dokumentacija za prijavu na Javni poziv:

- ✓ popunjen prijavni formular (koji se nalazi u Prilogu 1. ovog Javnog poziva),
- ✓ ZK izvadak ili pravosnažna upotrebna dozvola,
- ✓ kućna lista i uvjerenje o mjestu prebivališta za sve članove domaćinstva (CIPS uvjerenje),
- ✓ pisana saglasnost svih suvlasnika objekta (ukoliko ih ima više od jednog) za koji se aplicira na javni poziv (izjava ili ugovor gdje su potpisi ovjereni od strane ovlaštenog organa ili notarski/advokatski obrađena isprava),
- ✓ ovjerena izjava vlasnika - aplikanta da na objektu nisu izvedeni nelegalni radovi (dogradnja, nadziđivanje i sl.); u slučaju da postoji više vlasnika, dovoljno je da izjavu da suvlasnik – aplikant.

### Rangiranje aplikacija

Sve pristigle aplikacije biti će rangirane na osnovu slijedećih kriterija:

- gorivo koje se koristi za grijanje: najveći broj bodova će dobiti domaćinstvo koje koristi ugalj kao jedino gorivo, zatim kombinacija uglja i ogrjevnog drveta itd.,
- iznos m<sup>2</sup> stambene površine po korisniku: manji broj m<sup>2</sup> po korisniku donosi više bodova (napomena: računa se ukupna stambena površina, a ne grijana)

$$\text{broj bodova} = (-2/5) * \text{stambena površina po korisniku} + 24$$

- kategorije kvaliteta zraka: s obzirom na cilj Pilot projekta, objekti koji se nalaze u najzagađenijim dijelovima Kantona (prema karti kategorizacije kvaliteta zraka u Kantonu Sarajevo) će, po ovom kriteriju, dobiti više bodova.

Prikaz bodovanja je dat u slijedećoj tabeli.

Naziv kriterija	Opis stanja	Broj bodova
korišteno gorivo (gorivo koje aplikant trenutno koristi za grijanje)	ugalj	50
	ugalj i ogrjevno drvo	40
	ogrjevno drvo	30
	ugalj i prirodni gas	20
	ogrjevno drvo i prirodni gas	10
Korištenje stambenog prostora (m <sup>2</sup> /korisniku)	od 10 do 60	od 0 do 20
	preko 60	0
Kategorija kvaliteta zraka <sup>1</sup>	zagađen	30
	umjereno zagađen	15
	nezagađen	0

<sup>1</sup>Kategorije kvalitete zraka i područja su određena u skladu sa članom 47. Odluke o zaštiti i poboljšanju kvaliteta zraka u Kantonu Sarajevo i kartom kategorizacije područja u odnosu na kvaliteta zraka



Radna grupa će procijeniti iznos potrebnih sredstava za implementaciju svih validnih aplikacija (procjena na osnovu katalogskih cijena za potrebne snage za grijanje i vrste izvora energije) i na osnovu toga formirati bodovnu listu aplikacija. Radna grupa će formirati dvije bodovne liste, jednu sa aplikacijama koji su aplicirali za subvenciju prelaska na certificirane peći/kotlove na pelet, te drugu za aplikacije koji su aplicirali za subvenciju prelaska na certificirane toplotne pumpe. U skladu sa raspoloživim sredstvima za subvenciju odredit će se broj aplikacija za koje će se odobriti subvencioniranje za obje liste.

Sve potrebne informacije i prijavni formular mogu se naći na stranici [www.ba.undp.org](http://www.ba.undp.org) ili zahtijevati putem e-maila: [JavniPoziv@undp.onmicrosoft.com](mailto:JavniPoziv@undp.onmicrosoft.com), uz napomenu naziva Javnog poziva.

Rang liste aplikacija koji zadovoljavaju uslove Javnog poziva će biti objavljene na web stranici Ministarstva i UNDP-a, u roku od 30 dana od dana zatvaranja Javnog poziva.

### **Rok za apliciranje**

Podnošenje aplikacija za učešće u Javnom pozivu za subvencioniranje zamjene peći/kotlova, prema uslovima Javnog poziva, počinje od dana objave u sredstvima javnog informisanja.

Javni poziv ostaje otvoren **do 15.02.2021. godine do 17.00 sati**.

Nepotpune i neblagovremene prijave se neće uzeti u razmatranje.

### **Mjesto i način podnošenja aplikacija**

Popunjen prijavni formular za učešće u Javnom pozivu za subvencioniranje zamjene peći/kotlova na uglj i ostala čvrsta goriva certificiranim pećima/kotlovima i toplotnim pumpama u domaćinstvima u Kantonu Sarajevo, **zajedno sa ostalom dokumentacijom** navedenom pod **Potrebna dokumentacija za prijavu na Javni poziv**, dostaviti preporučenom poštom na adresu ili email:

**UNDP BiH**

**Zmaja od Bosne**

**71000 Sarajevo**

**sa naznakom:**

**“Prijava na Javni poziv u okviru Pilot projekta subvencioniranja zamjene peći/kotlova – NE OTVARATI“**

**ili na email: [JavniPoziv@undp.onmicrosoft.com](mailto:JavniPoziv@undp.onmicrosoft.com)**

**Ref. “Prijava na Javni poziv u okviru Pilot projekta subvencioniranja zamjene peći/kotlova“**

Za eventualna pitanja o učešću u Javnom pozivu za subvencioniranje zamjene peći/kotlova na uglj i ostala čvrsta goriva certificiranim pećima/kotlovima i toplotnim pumpama u domaćinstvima u



Kantonu Sarajevo, molimo da Vaše upite pošaljete na email: [JavniPoziv@undp.onmicrosoft.com](mailto:JavniPoziv@undp.onmicrosoft.com), uz napomenu „Javni poziv u okviru Pilot projekta subvencioniranja zamjene peći/kotlova“.

Sredstva za realizaciju Pilot projekta osiguralo je Ministarstvo prostornog uređenja, građenja i zaštite okoliša Kantona Sarajevo, a aktivnosti se provode kroz projekt Zeleni ekonomski razvoj. Projekt Zeleni ekonomski razvoj finansira Vlada Švedske, a implementira Razvojni program Ujedinjenih nacija (UNDP) u saradnji sa Ministarstvom vanjske trgovine i ekonomskih odnosa Bosne i Hercegovine, Fondom za zaštitu okoliša Federacije BiH i Fondom za zaštitu životne sredine i energetske efikasnost Republike Srpske, te drugim partnerima.